



恒遊草自序



古人有三願讀盡好書識書好



人看盡好山水又曰盡則為能

但遇時莫輕放過予深有味於

斯言也今恒者四載竒以薄書

魔擾車馬塵障烏紗畫眼界墨
綬束脚根於三者之顛有違焉
即中有一二晤合間贅片語紀
述之而於人於境又付不能一
也也塘後簡乃韻語若干篇引

鏡自咲笑足示作者乃細計一
二晤合或廢佳什遺名流扶靈
區勝際而吾心山情水韻出而
與人與境遇則於三顛又不可
謂一無得者稿而存之是亦不

雜放過意乎若曰引鏡自笑奚
足示人然於魔擾塵障尤冠束
畫之中而存吾本來面目可以
自笑可以與世相視而笑矣

恒遊草

濟隰王琨著

謁選得真定令待憑旅次偶成

都門十月暖如春晴日如憐病客身謁選縣官
馴傲骨閉門煤市遠緇塵鬚眉已逐烏紗俗履
歷初開手板新自笑無才堪百里書生何處可
如人

同喻未孩胡信斯何運之集董自燈寓

雪值

雙鳧京雒集仙家。十月瑤林闔飛華。銀海寒開
看白戰。玉壺煖。漾散冰花。光生蘭席。驪珠燦。清
入松風鶴韻。賒醉話西山。山色好。何當飛屐踏
烟霞。

之任真定抵中山清風店恒人有迓至者
受事非遙感懷有述

使車二月太行東。春雪飛寒洗素空。滹水蚤聞
喧竹馬。中山初與共清風。敢言仙令雙鳧下。誰
放虛舟陸海同。拙吏已先愁錦杼。年來花樣恐
難工。

始抵恒任

恒水清清洗面塵。便行結束作官人。天空乍戢
棲枝翼。海闊驚看似葉身。彭澤黃花三徑冷。河
陽青鏡二毛新。春風馬首多生受。吹得攢眉不
解伸。

洛州道中

青山轉送人春鳥伴翱翔二月野無花水色與
山光長途有盡意俗吏無詩勝翹首望大東白
雲在故鄉豈不念丘壑丈夫志四方

之鹿泉公謁憲使

手板驅人第一程。此回且作踏春行。晴雲洗出
新山面。積雪消成舊水聲。道路蚤能傳姓字。鬚
眉安敢掛科名。鹿泉正在霜臺下。可掬清流一

濯纓。

初任恒陽同年李元鎮以饒宰先至有詩

見遺依韻以答

二首

書生面孔乍臨民。百里蘄看寄小臣。始信出山
羞遠志。更憐積業自前身。簿書夜夜庚申守。車
馬朝朝子午塵。聞道饒封清且遠。幾從天際羨
真人。

其二

恒沙不必數行藏。且共虛舟滹水陽。大佛閣看

金粟月中山酒浣素毫霜香生墨綬芝蘭佩韻
冷青衫薜荔裳一斗百篇君不見謫仙何處不
堪狂

夏午憩大士寺

慈悲淨界洗炎蒸沙海浮塵藉一澄官自中山
新作宰人疑初地乍爲僧法雲香散諸天雨心
水寒生六月冰古木幽禽如伴客也眺閒寂怯
飛騰

綠柳長廊次韻

恒郡南二十里是前令所
植者茂密蔭周行往來如

行廊廡
下故云

石邑開棠舍恒南列柳廊清風留舊韻素月掛
新涼山色分烟細河流濯浪長忽思郭橐傳種
樹有良方

戊午夏聞遼磬

一片孤天作戰場孽胡牧馬踰遼疆厝薪不徒
參貂市逆火先焚燕雀堂夜月青燐紅草木陰

風白晝黑橈槍登壇新將多忠勇蚤息鯨波剪
跳梁

秋榜文宴

綠酒青袍紫暈浮花枝爭插少年頭霞明綺席
鴻雲序霜健璇霄鸚海秋桃李林看春雨醉芙
蓉鏡待曲江遊諸賢好裕匡時策

聖主臨軒欲借籌

武闈

材官結束耀秋冥策士雲集試武經三矢穿楊
弧月白六花落筆陣霜青滹沱風雨鳴龍劍遼
海櫓槍避將星誰是虎頭如定遠他年麟閣畫
奇形

秋日送鹿晉卿還里

滹沱一夜渡西風吹得歸舟又向東客鬢微霜
寒綠水酩顏落日照丹楓旅窓夢破雞人語秋
興吟飛鴈字工想見今宵好明月碧天清望正

相同

月夜還郡觀滹沱積雪喜賦

百里勞勞踏雪行
滹沱夜渡喜初晴
乍看積玉封瑤海
俱作垂珠照水晶
月冷冰梁虹影白
風回霜岸浪花平
河靈不惜分孤潔
一映寒光徹骨清

春日再登攬秀山亭

青山一主人
遊客幾舊新
初遊面乍識
再遊情漸親
抱犢城東山重來
當暮春
孤亭攬秀色
獨上領佳辰
山靈如相待
一主對一賓
竹風響清吹
松徑掃綠塵
野鳥叫提壺
落花鋪繡茵
坐久起憑闌
白雲掛角巾
門外馬驕嘶
車聲何鞞鞞
予亦自此去
陸海莽迷津
相視俱無言
含情兩未申
舉手謝山靈
官非自繇身

次何運之年丈題壁韻二首

四月朱明帶晚春
客車攢響日
鞞鞞芳林葉
漏

鶯啼語晴陌花飛馬首塵臨景却看官趣淡。隨
緣且認宦情真。浮雲聚散虛舟放自向靈臺對
喜神

其二

懶從苦海問津梁日憶家山舊草堂青白眼睛
瞳自在暖寒世味舌經嘗寫窓松竹月如水繞
郭芙蓉秋可裳想到馳驅原不惡忙中差足療
吟狂

王丈老而善酒且知弈重至任郎走筆贈
之

客裏看花第二回舊年酒伴喜重來頭顱盡白
猶能醉禮法全疎不用猜鄉語又從千里共方
瞳可向一枰開相將俱是忘機着信指輸贏亦
快哉

秋聲

西風如帚掃秋陰吟嘯時來小竹林對水驚看

公道髮開窓一撫不絃琴舊交此日堪醇酒貧
吏年來只帶金醉眼青山相視笑浮雲已識倦
遊心

秋日宿蘿月禪房

伏枕忽驚時序更那知五斗是功名無才幾斷
分隍鹿拙宦難期出谷鶯隨地秋聲愁病骨親
人藥裹伴餘生忙中偶寄禪林榻塵夢勞勞借
一清

再過觀音寺讀壁間梁衆甫見和韻中有
賢侯清政美句愧莫任焉復成一律紀之
禪居怪得壁光生苦海澄於一字清可是天花
開素穎却從俗吏散香名棲枝鶴病林風靜惜
影鴻孤海日晴萬法惟空諸相幻悟來轉覺一
官輕

東征行 有序

爲少塘戚將軍賦也將軍少保南塘公

猶子勇畧接武振烈焉副戎恒鎮實惟
干城已未歲應調東征賦此壯之

戚家兵恒山鎮上壯干城不辭去家數千里銅
符一呼便從征習風鍊雨雕戈硬飲海秣山鐵
騎鳴戚大將軍善將兵飈飛電走令霜清麾下
健兒多且精萬夫之傑千人英雄風拂拭劍星
落壯氣結聚陣雲生將軍談笑肝膽傾手畫奇
正口縱橫說到三韓牙齧碎能使一軍性命輕

君不見君家少保擅勲名霞標大纛霓揭旌閩
南蕩塵桂海洗薊北驅彗冰天晴遂與海岱爭
靈氣銅柱高標燕然銘知君此行振家聲少保
雄烈斗北驚征塵滾滾車翩翩大陸風回嘶萬
馬中山月上照羣營丈夫事業要崢嶸淨掃妖
氛天地明將軍跨上麒麟畫

聖主重頒帶礪盟書生無志請長纓喜看將軍
定太平我歌一曲當渭城軍中聞之喜氣轟馬

上擊鼓與鳴鉦三軍齊唱東征行

搭滹沱橋有感

萑爾恒封滹水陽窮民歲歲搭橋梁括柴愁斷
千家爨伐木驚先九月霜形影浮沉歸雁冷馳
驅日夜臥虹僵當初聞說資羣力底事年來病
一方

西齋雨夜與客觴詠

春酒滿玻璃一燈風雨淒松聲清鶴夢竹影攪
雞棲心水澄如玉面塵洗作泥前溪新綠長萍
跡慰東西

讀阮集之大行登太華詩爲賦二絕

丹梯萬仞振衣輕擬踏長風遊太清仙夢初醒
山霧散芙蓉掌上使星明

其二

山色晴開銀海清半天捉筆賦山行倚雲玉女
如相識借與三峯嘯步兵

漱玉館新竹

細雨斜風客子居西齋新竹漸扶踈青柯散韻
從琴鶴素案分清入簿書便覺烟霞生茆舍不
將吟嘯廢蘧廬病多自信腰難折日倚琅玕任
卷舒

次梁慎可韻爲趙夢白先生

欽起東山賦也

迴瀾陸海斷螯支冷韻高山寄七絲清枕夢回
千日醉徵綸色借五雲芝鴻濛界裏重開闢身
世關頭任合離一鶴孤騫雙履素山靈無事可
相疑

夜抵鹿泉寺

住馬山城起暮笳孤燈深夜話僧家蠅蝸債是
前身業塵土腸堪過雨茶帶素衫青同老衲寒
餘酒後怯春紗叅禪未解菩提偈罰向河陽一
種花

中山學宮雪後觀雪浪石

石爲蘇坡公守
中山日自恒山

得之者盛以石
盆刻銘於上

中山十月寒朔風吹積雪凌晨趨學宮幕雲高
四揭曉日破積陰飛光下素埽一片雪浪石雪
後更奇絕鬚眉聊以鑑心膽爲澄澈遙想渾沌
時鴻濛初剖抉大塊闕精靈斯石乃疑結何年
却飛來峨眉天半裂三峽滄驚濤濯之成孤潔
蘇子山水供尼父宮墻列鐵骨照冰心露盤貯
玉屑水月一清空壺天共寒冽貞標砥柱同冷
眼滄桑閱雪葉不浮沉浪花無起滅時序自炎
涼中情忘寒熱常存烟霞姿不受風雨咽有客
過題詩比擬多稱說虎丘未點頭寒山厭饒舌
全身謝雕琢與世無關切煉石請勿言青天不
復缺

清明日邑齋獨酌

小齋何所有一樹杏花開晴雨清明日淺深濁

酒。杯。新。烟。驚。乍。改。舊。燕。喜。重。來。不。是。踏。青。客。無
勞。花。信。催。

鹿泉西郭曹生書舍公謁之暇止憩

出郭山光照客顏。水邊精舍列峰環。却宜春月
花開徑可作書生。晝閉關東帶登臨。兼吏隱停
雲聚散寫忙閒。宰官未了烟霞癖。好與山靈訂
往還。

漱玉館前與客飲大槐下

簿書無計走吟魔。與客槐陰對酒歌。杯面冷然
澄北海。枕中偶爾到南柯。推敲境界壺中勝。消
受清閒醉裏多。可道莊生非傲吏。漆園聊以寄
婆娑。

大悲閣秋眺用滄溟先生韻

佛閣高撻一色秋。白毫擬見雪山頭。霜峰遠峙
環青嶂。雲漢低垂掛碧流。萬法看窮生滅相。一
空闕斷古今愁。凭闌似識步虛路。却訝前身飛

錫遊

九日走謁臺使者小憩野寺對菊命酒

九日禪林住客車東籬一問野僧家色空界裏
聊兼酒風雨聲中試聽茶指計征塵愁白雁面
分秋色與黃花老僧落帽頭如雪莫訝勞人髮
有華

辛酉入計始發述懷

四首

朔風滿面凍沙浮客子臨岐憶薄遊此去長安
回首處半千里內是并州

其二

幾年春色共河陽此日先春促去裝塵土鬚眉
青鏡裏羞稱花下舊仙郎

其三

雪拂征衫雙袖清銅符乍解覺身輕那知五載
風塵吏又向長安道上行

其四

馬鳴風急韻蕭蕭。霜洗寒雲擁客輶。三輔去天原尺五。可先計吏到清霄。

燕游草

濟隰王琨友玉甫著

丙辰元旦

鶴漏初聲醒萬家。丙辰三十感年華。暖飛改火千門竹。寒剪新燈一片花。卜稔福雲生海岱。領春曆日照烟霞。東風拂曙開晴宇。斗燦寅光碧漢涯。

初上公車雪途寒甚感記

客程千里凍雲賒。新換青衫寒不遮。何事遠行
逢雪積。竄憐冷處是天。涯。吹殘愁鬢人雙白。蹴
縮征蹄馬五花。却羨荒村村酒美。滿烘楮。話
棗麻。

都門觀燈十五

帝城初看上元燈。霽宇冷然一碧凝。寒借月。蟾
明。眼界暖。浮酒。蟻壯。眉稜。香飛左陌。晴雲擁燈市。

在都城東街

光接西山積雪澄。竄是龍闈春色近。鰲

峰瑞結海烟層

飲燕市酒樓同四袍友

酒浣同袍照眼青。墟頭一閣敞旗亭。醉從侵後
人爲瑞。乙卯丙辰冬春山左異荒同袍公車裝羞澁甚耳占到樽前德

是星窮寫鬚眉。皆幻景談傾肝膽。見忘形。却憐
席畔笙歌發。荒耳凄然未忍聽。

辰捷用慰且笑

錦書一日到吾鄉。星騎馳花千里香。捷士自叨

前得雋

聯捷卯榜七士
予明六人前

聯科人詔此開荒

邑先
達多

人未有
聯科者

苦甘味裏先知淡車馬塵中乍討忙弱

鳥未飛愁翼倦可隨海翻事搏翔

釋褐

烏紗照眼散晴暉。着上官衫素帶圍。中下科名
甘澹泊山林骨相本寒微。自看舊物青氈在。誰
羨新郎錦畫歸。忙處病多閒處好。還宜愛惜薜
蘿衣。

試政比部山西司

蘭署清如水官閒日對花交情同白璧世態各
烏紗素食從容意隨班早暮衙衣冠騎馬去還
過酒人家

白雲樓詩

大司寇李旭
山先生部試

絲筆流光浣素袍登樓弔古白雲曹

中朝靈運開天出七子詞林倚日高色借名山
晴有暈瀾回文海淨無濤龍門寂寞生秋氣尚

有青霜載錦毫

題王太年翁學博卷

劬慕侍御尊人君萬吏部祖也

年來德宿聚西川聞說一經世世傳麟彩鳳輝

今接瑞當年王氏舊青氈

其二

峨眉翠滴錦江瀾為憶藜燈雪署寒莫道當年

官冷落而今芳躅滿長安

題孫太母榮壽卷

太初僉憲母楚晚計部王母也

婺星嵩揭德光流萱草松齡幾度秋此日羣仙

慶王母飛來三十六峰頭

其二

瑤圃新供王母奩中天午宿壽星高幾回雨露

來龍誥又見風雲起鳳毛

題李年伯思亭

李仲達侍御尊人築室思其王父也

春秋雨露下平蕪雲白松楸入望孤天際靈椿

仙界隔江寒樹冷叫慈鳥

其二

檻外晴霞鎖翠微。何殊具慶戲斑衣。擬看鶴駕
來庭砌。應喜龍孫奪錦歸。

送陳定遠庠師擢南雍司監兼呈錢老師
喬林黃鳥破烟孤。柳拂旌雲照酒壺。化雨有年
飛海岱。士風不問識蘇湖。月涼監閣分仙火。江
浣詞囊括水珠。况與吾商邵。杜去雙懸山斗在
東吳。

旅病請假爲買舟南還計

藥。鑪。煙。散。雨。中。青。一。榻。高。眠。旅。舍。扁。爲。逐。衣。冠。
支。俸。祿。早。從。晨。夕。辦。參。苓。枌。榆。歸。去。秋。鴻。伴。松。
菊。迎。來。病。鶴。形。買。得。扁。舟。虛。且。穩。臨。流。非。爲。羨。
滄。溟。

通灣發櫂

帝城晴洗曙光新。買得歸舟一問津。止水乍開
青鏡照。久疴無復綠衣塵。機忘櫂底遊鷗鷺。潮

我遊草
息波心睡角鱗。祗訝漁人多競利。誰云湖海是閒身。

河西水關

行過河西署候關。一艤船赤生津渡。日碧鎖海潮。烟剩俸支沽酒。新聲聽採蓮。權關兼部水餽客。有廉泉。時熊雨亭分司以程至

舟月

青帘拂水駐牙檣。月夕開樽一望洋。晴洗琉璃涼素照。香浮琥珀酌滄浪。蜃樓散市隣秋蕭。鮫室飛珠借海光。閒聽長年說迎送。烟波也是利名場。

舟雨

一枕烟波聽渡頭。晚雲四合覆歸舟。雨攢客夢驚蝴蝶。海沸秋宵去鷺鷗。無恙布帆高古渡。有情錦纜放中流。綠簑青笠烟波事。不把名心到釣鈞。

天津艤舟

桂擢淨無塵。古河水界新。烟波聊作客。魚鳥自親人。藥物堪朝夕。宦情自假真。果從雲路下。艤櫂尚天津。

舍舟登陸抵家計出都十二日矣

別水復馳塵。淡旬見里人。病成新面色。官減舊精神。世事聊從俗。鄉情到底真。抵家忘一切。祇剩藥相親。

秋杪之京始發遇雨呈垣袁老叔師

遊子深秋謁九閭。洗霜震凜靖塵喧。鳴騶喚醒江湖夢。結綬先霑雨露恩。雲浣薜蘿寒客舍。烟開菴李憶師門。春明千里瞻吾岱。函丈文輝映海墩。

楊知皆年丈郊餞

柳色餘青照酒杯。驪歌賡罷重裴徊。長鳴賸有千金骨。拙宦慚無百里才。雪在未期乘興櫂。玄

亭還待問。奇來搖搖千里懸雲樹。莫許浮沉驛使梅。

諸弟餞

馬首西嘶落木紛。岐程千里一樽分。醉醒客面生秋色。聚散寒空擁別雲。池草天涯看入夢。霜鴻月窟悵離羣。烏衣巷裏琳瑯響。洗耳春風取次聞。

次呂豫石題壁

賦得夏雲多奇峯

飛來天際數峰晴。峭碧孤青削不平。行客目遊聊寄趣。遺黎眼早倍關情。媧鑪煉石層巒借。羲馭流金大壑成。可許山頭飛瀑練。隨車霖雨慰蒼生。

廣川抵瀛海雜詠八首

濃淡秋林散冷烟。西風吹馬却還前。朝來已過業原渡。十丈塵中看廣川。

其二

山裏光陰晝夜長，衝區日月疾飛疆。
雙輪無意憑人眼，閒處見閒忙處忙。

其三

大陸風生秋氣高，郵符使客太軒豪。
那知驛馬鞭頭血，盡是蒼黎骨上膏。

其四

兩漢循良盡在斯，道傍處處建生祠。
也知盡爲清華設，閒冷從來無去思。

其五

攬勝晴原去馬遲，之京恰是杪秋時。
雁南人北休相問，冷暖此心尚未知。

其六

盡橋碧水酒家隣，賣酒壚頭舊主人。
此日相逢添病色，烏紗帽底認官身。

其七

去歲公車見麗人，今年掩戶避官塵。
停車無語

真成笑軒蓋前頭隔斷春

共八

仙界瀛洲海外傳那從子午着塵緣何人憇馬
高車下解却名韁卽是仙

瀛郡驛署次魏仲雪題壁韻

秋空鴈字暮書殘霜罨踈林滴夕寒却是仙洲
開館舍來從荒界愧盤餐懷人天際征雲駛慰
客樽前醉葉丹更喜黃花留旅次勞勞冷眼淡

相看

寄懷錢惺復老師虞部

河陽春色接棠陰花拂仙郎單父琴裁錦飛香
先李御還珠遺澤見商霖岱輿峰古留顏色斗
履雲開聽足音梅使南還憑寄問雙魚未許素
書沉

春日得行取報

時予入計以假過里

栢雲梧月倚霄開詔取昌辰侍從才

帝馭爭看騏驎出皇羅爲向鳳麟恢清流久共
閒心冷白壁從無世眼猜千里有懷依
日轂春塵飛向馬蹄催

其二

幾年去種河陽花松菊吾廬半褪華計吏兩
朝驚歲月徵書十日到烟霞自看野服成山色
欲放虛舟戀海涯爲語鶴猿莫驚怨好開三徑
待還家

壬戌與選禮垣紀遇

選綸五色下丹閣侍從清班推六垣列宿光還
依

紫極夕郎銜已籍黃門梧從左掖開言界石欲
中流定脚根七載青雲梯早上書生何以報
君恩

聞平蓮捷

四首

憲馭征雲肅魯疆紅巾如火已消光憑他自倭

蓮。開。日。大。將。戈。飛。六。月。霜。

其二

聖域妖氛何處來，櫓槍無焰落成灰。
草枯木朽流腥穢，却倚蓮名散作災。

其三

秋靖青燐曙野明，西風吹入鏡歌聲。
妖氛污却蓮花色，汲取滄波爲洗清。

其四

一挽天河蕩逆腥，百千魑魅盡潛形。
碧空晴慰蒼生眼，日觀雲開見岱青。



